

大寶積經

第一百十一

八十四
字一

47519

佛
佛



元祿九年丙子二月日重脩

皇圖葉圖 帝階綴昌

佛日增輝 懺輪常轉

山城州天安寺法金剛院置



大寶積經卷第一百十一

字

大唐三藏菩提流志奉

詔譯

淨信童女會第四十



如是我聞一時佛在舍衛國祇樹給孤獨園
與大比丘眾五百人俱善菩薩摩訶薩八千人
一切皆具眾所知識得陀羅尼辯才無礙具
足諸忍降伏魔怨逮諸如來所得之法其名
曰持世菩薩持道菩薩持地菩薩持大地菩
薩樂慧菩薩今信樂菩薩妙色莊嚴菩薩寶
焰菩薩寶幢菩薩寶思菩薩寶處菩薩寶慧
菩薩寶德菩薩寶光菩薩復有賢劫諸菩薩
等弥勒菩薩而為上首復有六十無等喻心

諸菩薩等文殊師利而為上首復有十六大
士賢護菩薩而為上首復有二萬兜率天子
俱在會中是時世尊處大莊嚴蔽師子之座
無量百千大衆圍遶光明照耀猶如日月威
德殊勝如釋梵王高出衆表如須彌山光焰
猛盛猶如火炬願覩安詳如大象王說法無
畏如師子吼蓋誦大衆如羅睺羅王相好莊
嚴威光熾盛出林凡音聲遍滿三千大千世界
為欲覺悟一切衆生普令安住決定勝義於大
衆中而演說法時波斯匿王所生愛女名曰淨
信年在幼稚顏貌端嚴為諸衆生之所樂見宿
植善本修習大乘與五百童子前後圍遶各持

金鬘出舍衛城詣祇陀林至如來所頂禮佛
足右遠三币却住一面即於佛前而說偈言
久積福善清淨業
今眾信樂皆歡喜
顯現威光相奇特
身光一尋常照曜

功德大樹福無盡
本願戒行已圓滿
安任妙法常寂然
智慧善巧知諸行
若有堅固勇進者
如是菩薩正修行

故我頂禮牟尼尊
開示法門眾寶處
我禮大慧清涼池
人中最尊世所讚
故我頂禮應供尊
等心世間如一子
示平坦路如道師
慈悲利益眾主類
唯願如來為宣說

云何當得堅固力

云何當得平等法

云何如地如虛空

云何得信任於法

云何遠離憎愛心

云何出生施戒忍

智慧破諸煩惱闇

三昧揔持無礙辯

云何得在諸佛前

頭陀無諍任蘭若

持戒修習菩提道

施眾安樂轉法輪

安任生死降魔眾

云何成熟諸眾主

如風如水亦如火

如彼須弥師子王

淨意質直無諛諂

精進禪定及解脫

而常安任大方便

任四無量五神通

常受化生知宿命

調伏其心滅煩惱

證甘露滅降魔怨

如是正道願宣說

尔時世尊告淨信童女言菩薩若能成就八
力於生死中堅固勇猛而無疲倦何等爲八
一志樂力無諂誑故二勝解力離諸惡故三加
行力常修善故四淨信力深信業報故五菩
提心力不求小乘故六大慈力不害衆生故七
大悲力堪忍諸惡故八善友力時時警覺故
童女是名八力菩薩成就如是力故堅固勇
猛於生死中無所染著尔時世尊重說偈言
志樂勇猛離諸諂誑常行質直正趣菩提
以勝解力遠離衆惡純修善行住於正勤
加行具足恒善觀察精進堅固安樂衆生
淨信力故了知業報信於佛智攝受世間

善提心力遠離小乘不斷佛種安住法性
大慈力故等觀衆生無愛無憎不生恚害
大悲力故堪忍衆惡不深生死亦無疲厭
以善友力常相警悟心不退沒安住菩提
彼勇進者得是八力當坐道場破諸魔衆
復次童女菩薩成就八種法故住於平等何
等爲八一者一切衆生平等本無我故二者
一切法平等諸法寂靜故三者一切刹平等
入空界故四者一切智平等說法故五
者一切行平等因緣無性故六者一切乘平
等等無爲故七者心平等心如幻故八者諸
魔平等煩惱爲先不可得故是爲八法住於

平等今時世尊重說偈言

衆生本無我 念念不可得

住於平等者

應當如是觀 一切法平等

本性常空寂

文字有分別 諸法本無差

十方諸刹土

邊際不可得 其性如虛空

佛國常平等

三世諸如來 住法界平等

無邊智解脫

佛佛皆如是 衆生本緣起

一切皆平等

善知其所行 如應為開悟

衆生若干種

了知如幻化 內外無所取

自性常清淨

諸乘種種說 無為性平等

導師善方便

分別說三乘 現任煩惱魔

煩惱無所有

天魔及蘊死 境界悉皆空

復次童女菩薩成就八種法故離諸憎愛何
者為八一慈二悲三者常行利益四者不染
世法五者不著自身六者常修定心七者捨
離身命八者觀察煩惱修此八法能離憎愛
爾時世尊重說偈言

堅被慈心鎧

哀悲於一切

安住平等心

則不生憎愛
得利不自高
則不生憎愛
諸想悉捨離
不惜於軀命
善觀察煩惱

智人行利益
輕毀不生恨
於已若於他
境界無所著
智者於苦樂
我我所俱離

常施他安樂
不為八風動
不生憎愛想
常自觀其身
不動如虛空
持行恒如地

則不生憎愛

復次童女菩薩成就八種法故於生死中無
有疲倦何等為八一者善根廣大故二者觀
察衆生故三者常得見佛修供養故四者得
見無量諸佛刹故五者常求佛智故六者了
知生死猶如夢故七者於殊勝法無怯弱故

八者觀察前際及以後際如實際故尔時世
尊而說偈言

若諸行道者

修善無瑕垢

如空月清淨

度脫苦衆生

攝諸功德故

生死無疲倦

觀察衆生性

堅固行精進

於無量佛刹

恭敬供養佛

是故十力者

生死無疲倦

無量無邊世

說不思議法

不斷三寶種

當成於法王

堅持禁戒者

生死無疲倦

了知生死性

如夢如雲電

於法得解脫

生死無疲倦

安住於菩提

喜心常悅預

度於方便岸

生死無疲倦

常修殊勝法

如空月增長

愛樂佛功德

生死無疲倦

生死無邊際

常住於實際

一念慧相應

生死無疲倦

復次童女成就八法

心界平等何者為八

一

者心如地故二者

心如水故三者

心如火故

四者心如風故五者

心如虛空故六者

心等

法界故七者心等解脫

故八者心等涅槃

故

是名八種心界平等。今時世尊重說偈言：
等心如地，荷負一切，於善於惡，無所增減。
等心如水，洗諸垢穢，養育世間，除煩惱渴。
等心如火，燒滅煩惱，大炬光明，無所不燎。
等心如風，無處無依，飄戒聞香，流遍三世。
等心如空，離見清淨，遍入一切，而不隨魔。
等心法界，善得安任，不增不減，常入平等。
聲聞緣覺，所得解脫，無有縛者，亦無解者。
生死涅槃，無來無去，安任寂靜，遍遊三世。
復次童女，有八種法，菩薩成就，出生菩提，何
等爲八？一者施，出生捨諸有故；二者戒，出生無
所犯故；三者忍，出生無瞋恚故；四者精進，出生

不解退故五者	禪出生行方便故六者	慧出生
持戒多聞故七者	梵住出生解脫寂靜故八	
者神通出生常在定故	今時世尊重說偈言	
常修行施者	離諸貪執惱	不希求果報
迴向佛菩提	持戒為大乘	割截無瞋恨
志求大安樂	除習證真滅	菩薩行精進
多劫為衆生	忍苦遊世間	精進力增長
修行禪定者	遠離諸戲論	到諸禪彼岸
而不隨禪生	大慧無等倫	永離諸邊見
了知世空寂	癡闇滅無餘	寂靜修梵住
淨除諸惡道	常為釋梵王	勤修諸義利
神通遊佛刹	侍佛聽聞法	善知諸性欲

說法度衆生

復次童女菩薩成就八種法故得陀羅尼辯
才無礙何等爲八一者尊重法故二者承事
和上阿闍梨故三者求法無厭故四者如聞
演說故五者不慳恪法故六者不揚他惡故
七者愛敬法師如和上故八者不見他過勸

離過故是名八法菩薩成就具足揔持辯才
無礙尔時世尊重說偈言

志樂常求法

事師親善友

遠離惡知識

得無盡藏持

多聞無厭足

勇猛勤求法

如聞而演說

不希求利養

得清淨辯才

能令衆歡喜

欣樂行法施

遠離於慳嫉

行法無所著

獲得陀羅尼

護戒自觀身

不求他過失

慈悲為依止

發語不非時

當得無礙辯

度言說彼岸

於善說法者

愛敬如師想

隱過勸離惡

獲無盡海持

復次童女菩薩成就八種法故於諸佛前蓮

花化生何者為八一者乃至失命不說他過

二者勸化眾生令歸三寶三者安置一切於菩

提心四者梵行無深五者造立佛像置蓮花座

六者憂惱眾生令除憂惱七者於貢高人常

自謙下八者不惱他人小時世尊重說偈言

假令苦逼身

終不說他過

常稱嘆三寶

化生諸佛前

勸發菩提心

今求一切智

常修於梵行

化生諸佛前

黃金嚴佛像

坐寶蓮花座

除衆生憂惱

化生諸佛前

於彼憍慢人

謙卑如弟子

不令他生惱

化生諸佛前

復次童女有八種法菩薩成就頭陀功德常

樂住於阿蘭若處何等爲八一者少欲二者

知足三者滿足善法四者以善自養五者常

持聖種六者見生死患心常厭離七者恒觀

無常苦空無我八者深信堅固不隨他教介

時世尊重說偈言

少欲知足不放逸

法喜衆善爲資養

受樂常修於聖種

見生死患生怖心

由是常樂行頭陀

如犀一角獨無侶

有為之法苦無我

慧心深信住正勤

自見於法不隨他

常處空閑佛所讚

頭陀遠離無惱患

無諸諍論衆過失

遠離眷屬絕稱譽

由是樂住阿蘭若

復次童女菩薩成就八種法故摧伏魔怨何

等為八一者入於性空二者信於無相三者

信於無願四者了知無作五者內無疑惑六

者忍於無生七者決了無性八者於一切法

方便觀察不壞於如今時世尊重說偈言

於空無相及無願得三解脫降魔怨

有為無為無二相證於無生得解脫

諸法無生如是忍

於此無生無滅中

決定了知法無性

分別諸法為魔業

智慧方便二俱行

修習如是殊勝法

彼等降伏諸魔怨

蘊界無我猶如幻

不壞於如巧方便

捨離分別則降魔

若有若空無所任

得善方便妙色身

復次童女菩薩成就八種法故不離菩提何

者為八一者正見成熟邪見衆生故二者正

念悲愍邪念衆生故三者正語愍諸邪語故

四者正業攝諸邪業故五者正精進度邪勤

者故六者正命不捨邪命衆生故七者正思

惟令離邪思惟故八者正定發起增進邪定

者故今時世尊重說偈言

成就正見者 化彼諸邪見

常修行正念

哀悲邪念者 清淨正言說

愍諸邪語者

安住於正業 攝諸邪業者

常修於正勤

不捨邪勤者 相應正淨命

攝諸邪命者

智者正思惟 哀愍邪思者

常住於正定

攝諸邪定者 無上八正道

安隱度暴流

復度漂流者 是大菩提道

聲聞及緣覺

草筏唯自渡 菩薩廣運濟

如彼大航師

復次童女菩薩成就八種法故證甘露道何

等為八一者住於無諍之法二者善守無障

礙心三者常觀如實之義四者住菩提心修

習六念五者精勤修習諸波羅蜜六者積集
善根成熟衆生七者住於大悲攝受正法八
者得無生忍住不退轉今時世尊重說偈言
常修無諍行住大沙門法遠離瞋恚過
積集諸善根善觀如實義得諸無盡辯
安住菩提心常念於無念一切波羅蜜
勤修無退轉得諸方便力由是度衆生
能以法王財悲心施一切速證無生忍
不退轉菩提若能如是行佛法不難得
不久降魔衆證最上菩提
今時淨信童女聞是法已歡喜踊躍白佛言
世尊成就幾法能轉女身佛告童女成就八

法當轉女身何等為八一者不嫉二者不慳
三者不諂四者不瞋五者實語六者不惡口
七者捨離貪欲八者離諸邪見童女修此八
法速轉女身今時世尊重說偈言

不嫉妬他人

離慳常樂法

不行於諂誑

獸患女人身

慈心捨離瞋

常修於實語

除貪離惡口

安住正見中

若獸女人身

應修如是法

便當速得轉

受善丈夫身

復次童女成就八法能轉女身何者為八一
者尊重於佛深樂於法二者恭敬供養戒忍
多聞沙門婆羅門三者於夫男女及以居家
不生愛著四者受持禁戒無所毀犯五者於

一切人不生邪念六者增上意樂厭離女身
七者住菩提心大丈夫法八者觀世家業如
幻如夢尔時世尊重說偈言

敬佛深樂法

尊重戒多聞

不生貪愛心

女身速當轉

持戒具慙愧

不妄念他人

安住菩提心

不樂餘乘法

由是速能轉

不淨女人身

勝志得厭心

一切皆如幻

諸法本無動

因緣性空寂

勤修如實法

速得丈夫身

尔時淨信童女以所持金鬘散於佛上於虛

空中變成真金宮殿樓閣於宮殿中有化如

來坐於金座時五百童女各各解身莊嚴之

具散彼佛上亦於空中變金樓閣寶帳寶蓋
種種莊嚴介時五百童女見大神變異口同
音而說偈言

世尊人中最殊勝

哀愍利益諸衆生

我今已發菩提心

志樂相應任調伏

爲世導師施安樂

我當供養人中尊

聞法已離於塵垢

我等無復諸疑惑

方離女身衆染汙

永破煩惱降魔怨

十方無量俱胝佛

我當歡喜常供養

安住施戒勤精進

忍辱禪定善調心

智慧方便攝衆生

當證最上菩提道

利益無量人天衆

悉令發起大乘心

我等當能師子吼

我等當作人天師

爾時世尊便現微笑諸佛常法種種色光青
黃赤白紅紫頗梨從佛口出遍照無量無邊
世界乃至梵世遶佛三匝還從頂入爾時長
老阿難從座而起白佛言世尊何因何緣現
此微笑佛告阿難汝見淨信童女不阿難白
言唯然已見佛言阿難是淨信等五百童女
人中壽盡當捨女身生兜率陀天承事供養
彌勒世尊及賢劫中一切如來是淨信童女
過八万四千俱胝那由他劫於電光世界當
得作佛号光明莊嚴王如來劫名常光其佛
壽命如兜率陀天十二千歲其國純以無量

無邊大菩薩衆而爲眷屬。是五百童女於此衆中
最爲上首。猶如我今六十菩薩。又殊師利而爲
上首。阿難。若有女人得聞此經。受持讀誦。盡此
女身後。不復受速證阿耨多羅三藐三菩提。
佛說此經已。淨信等五百童女及一切世間
天人阿脩羅。聞佛所說。皆大歡喜。信受奉行。
大寶積經。彌勒菩薩問八法會第四十一

元魏三藏菩提留支譯

如是我聞。一時婆伽婆住王舍城耆闍崛山
中。與大比丘衆千二百五十人。俱并諸菩薩
摩訶薩十千人等。尔時彌勒菩薩摩訶薩。即
從坐起。偏袒右肩。右膝著地。合掌向佛。白佛

言世尊我今欲以少法問於如來應正遍知
不審世尊聽許以不尔時世尊告弥勒菩薩
摩訶薩言弥勒隨汝心念問於如來應正遍
知我當為汝分別解說令汝心喜尔時弥勒
菩薩摩訶薩白佛言世尊如是願樂欲聞世
尊諸菩薩摩訶薩畢竟成就幾法不退阿耨
多羅三藐三菩提於勝進法中不退不轉行
菩薩行時降伏一切諸魔怨敵如實知一切
法自體相於諸世間心不疲倦以心不疲倦
故不依他智速疾成就阿耨多羅三藐三菩
提尔時世尊告弥勒菩薩摩訶薩言善哉善
哉弥勒汝今乃能問於如來如是深義佛法

告弥勒菩薩摩訶薩言汝今應當一心諦聽
吾當爲汝分別解說如是深義即時弥勒菩
薩摩訶薩白佛言世尊如是願樂欲聞佛復
告弥勒菩薩摩訶薩言弥勒若諸菩薩摩訶
薩畢竟成就八法不退阿耨多羅三藐三菩
提於勝進法中不退不轉行菩薩行時降伏
一切諸魔怨敵如實知一切法自體相於諸
世間心不疲倦以心不疲倦故不依他智速
疾成就阿耨多羅三藐三菩提何等爲八弥
勒所謂諸菩薩摩訶薩成就深心成就行心
成就捨心成就善知迴向方便心成就大慈
心成就大悲心成就善知方便成就般若波

羅蜜彌勒云何諸菩薩摩訶薩成就深心彌
勒若諸菩薩摩訶薩聞讚嘆佛及毀訾佛其
心畢竟於阿耨多羅三藐三菩提堅固不動
聞讚歎法及毀訾法其心畢竟於阿耨多羅
三藐三菩提堅固不動聞讚歎僧及毀訾僧
其心畢竟於阿耨多羅三藐三菩提堅固不
動彌勒如是諸菩薩摩訶薩畢竟成就深心
彌勒云何諸菩薩摩訶薩成就行心彌勒若
諸菩薩摩訶薩遠離殺生遠離偷盜遠離邪
淫遠離妄語遠離兩舌遠離惡口遠離綺語
彌勒如是諸菩薩摩訶薩畢竟成就行心彌
勒云何諸菩薩摩訶薩成就捨心彌勒若諸

菩薩摩訶薩是能捨主是施主施諸沙門及
婆羅門貧窮乞匄下賤人等衣食卧具隨病
湯藥所須之物弥勒如是諸菩薩摩訶薩畢
竟成就捨心弥勒云何諸菩薩摩訶薩成就
善知迴向方便心弥勒若諸菩薩摩訶薩所
修善根謂身口意業皆悉迴向阿耨多羅三
藐三菩提弥勒如是諸菩薩摩訶薩畢竟成
就善知迴向方便心弥勒云何諸菩薩摩訶
薩成就大慈心弥勒若諸菩薩摩訶薩畢竟
成就大慈身業畢竟成就大慈口業畢竟成
就大慈意業弥勒如是諸菩薩摩訶薩畢竟
成就大慈心弥勒云何諸菩薩摩訶薩成就

大悲心彌勒若諸菩薩摩訶薩畢竟成就不可
譏呵身業畢竟成就不可譏呵口業畢竟
成就不可譏呵意業彌勒如是諸菩薩摩訶
薩畢竟成就大悲心彌勒云何諸菩薩摩訶
薩成就善知方便彌勒若諸菩薩摩訶薩善
知世諦善知第一義諦善知二諦彌勒如是
諸菩薩摩訶薩畢竟成就善知方便彌勒云
何諸菩薩摩訶薩成就般若波羅蜜彌勒若
諸菩薩摩訶薩如是覺知依此法有此法依
此法生此法所謂無明緣行行緣識識緣名
色名色緣六入六入緣觸觸緣受受緣愛愛
緣取取緣有有緣生生緣老死憂悲苦惱如

是唯有大苦聚集彌勒此法無故此法無此
法滅故此法滅所謂無明滅則行滅行滅則
識滅識滅則名色滅名色滅則六入滅六入
滅則觸滅觸滅則受滅受滅則愛滅愛滅則
取滅取滅則有滅有滅則生滅生滅則老死
憂悲苦惱滅如是唯有大苦聚集滅彌勒如
是諸菩薩摩訶薩畢竟成就般若波羅蜜彌
勒是名諸菩薩摩訶薩畢竟成就八法不退
阿耨多羅三藐三菩提於勝進法中不退不
轉行菩薩行時降伏一切諸魔怨敵如實知
一切法自體相於諸世間心不疲倦以心不
疲故不衣也留束突戎就可譯多羅三藐

三菩提佛說此經已彌勒菩薩摩訶薩及餘
諸菩薩摩訶薩比丘比丘尼優婆塞優婆夷
天龍夜叉乾闥婆阿脩羅迦樓羅緊那羅摩
睺羅伽人非人等一切大衆聞佛所說皆大
歡喜信受奉行

大寶積經彌勒菩薩所問會第四十二

大唐三藏菩提流志新譯

如是我聞一時佛在波羅奈國施鹿林中與
大比丘衆五百人俱一切皆為衆所知識其
名曰阿若憍陳如摩訶迦葉優樓頻螺迦葉
伽耶迦葉那提迦葉舍利弗大目捷連阿難
羅睺羅等而為上首復有菩薩摩訶薩一萬

人俱其名曰善意菩薩增上意菩薩堅固意
菩薩師子意菩薩觀世音菩薩大勢至菩薩
辯積菩薩美音菩薩勝幢菩薩信慧菩薩水
天菩薩帝勝菩薩帝天菩薩無攀緣菩薩具
辯才菩薩神通妙花菩薩弥勒菩薩文殊師
利法王子等而爲上首尔時世尊無量百千
大衆圍遶供養恭敬而爲說法是時弥勒菩
薩摩訶薩在衆會中即從座起偏袒右肩右
膝著地合掌頂禮而白佛言世尊我有少疑
今欲諮問唯願如來見垂聽許佛告弥勒菩
薩言若有所疑今恣汝問當爲解說令得歡
喜尔時弥勒菩薩聞佛許已歡喜踊躍而白

佛言世尊菩薩成就幾法離諸惡道及惡知識而能速證阿耨多羅三藐三菩提耶佛告彌勒菩薩言善哉善哉彌勒汝今爲欲哀愍一切利益安樂天人世間能問如來如是深義汝應諦聽善思念之吾當爲汝分別解說彌勒菩薩即白佛言唯然世尊願樂欲聞佛告彌勒言菩薩成就一法離諸惡道及惡知識速能證得阿耨多羅三藐三菩提云何爲一所謂發勝意樂菩提之心是名爲一彌勒復有二法離諸惡道及惡知識速能證得阿耨多羅三藐三菩提云何爲二一者於奢摩他常勤修習二者於毗鉢舍那而得善巧是名

爲二弥勒復有三法離諸惡道及惡知識速
能證得阿耨多羅三藐三菩提云何爲三一
者成就大悲二者修習空法三者於一切法
不生分別是名爲三弥勒復有四法離諸惡
道及惡知識速能證得阿耨多羅三藐三菩
提云何爲四一者安住淨戒二者離諸疑網
三者樂阿蘭若四者起正見心是名爲四弥
勒復有五法離諸惡道及惡知識速能證得
阿耨多羅三藐三菩提云何爲五一者任於
空法二者不求他過三者常自觀察四者愛
樂正法五者攝護於他是名爲五弥勒復有
六法離諸惡道及惡知識速能證得阿耨多

羅三藐三菩提云何爲六一者無有貪欲二
者不生瞋恚三者不起愚癡四者常離虛語
五者住於空性六者心如虛空是名爲六
彌勒復有七法離諸惡道及惡知識速能證得
阿耨多羅三藐三菩提云何爲七一者住於
正念二者成就擇法三者發起精進四者常
生歡喜五者身得輕安六者住諸禪定七者
具足行捨是名爲七
彌勒復有八法離諸惡
道及惡知識速能證得阿耨多羅三藐三菩
提云何爲八一者正見二者正思惟三者正
語四者正業五者正命六者正勤七者正念
八者正定是名爲八
彌勒復有九法離諸惡

道及惡知識速能證得阿耨多羅三藐三菩
提去何為九一者遠離諸欲惡不善法安住
初禪尋伺喜樂心一境性二者遠離尋伺安
住二禪內淨喜樂心一境性三者遠離於喜
安住三禪捨念慧樂心一境性四者遠離憂
苦及以喜樂安住四禪捨念清淨無苦無樂
心一境性五者超過色想無異攀緣安住無
邊虛空處定六者超過無邊空處定已而能
安住無邊識定七者超過無邊識處定已而
能安住無所有定八者超過無所有處定已
安住非想非非想定九者超過非想非非想
處定已而能安住滅受想定是名為九彌勒

復有十法離諸惡道及惡知識速能證得阿
耨多羅三藐三菩提去何為十一者善能成
就金剛三昧二者成就處非處相應三昧三
者成就方便行三昧四者成就遍照明三昧
五者成就普光明三昧六者成就普遍照明
三昧七者成就寶月三昧八者成就月燈三
昧九者成就出離三昧十者成就勝幢臂印
三昧是名為十弥勒菩薩成就如是法已離
諸惡道及惡知識速能證得阿耨多羅三藐
三菩提今時弥勒菩薩得聞是法心大歡喜偏袒
右肩右膝著地合掌恭敬即於佛前以偈讚曰
佛於過去劫 捨所愛妻子 頭目及骨髓

到於施彼岸

佛常護禁戒

如猫牛愛尾

最勝無倫匹

到於戒彼岸

佛以忍辱力

捨離於違諍

不求人過惡

到於忍彼岸

佛以精進力

得無上寂靜

究竟常安樂

到於勤彼岸

佛以禪定力

能滅諸罪垢

為天人導師

到於定彼岸

佛以智慧力

善了知諸法

自性無所有

到於慧彼岸

佛於菩提樹

降伏諸魔軍

具足最勝智

成就無上道

導師無畏力

於波羅柰國

轉清淨法輪

摧破諸外道

無上大智慧

出過於世間

能放淨光明

善說諸法要

如來清淨色

智慧及功德

超過諸世間

能到於彼岸

尔時阿難白佛言世尊是彌勒菩薩甚為希
有而能成就無量辯才隨衆生念平等說法
而於文字無所繫著佛告阿難如是如是如
汝所說阿難彌勒菩薩豈唯今日能於我前
以偈讚佛乃往過去十無數劫尔時有佛号
焰光遊戲妙音自在王如來應供正遍知明
行足善逝世間解無上士調御丈夫天人師
佛世尊尔時有一婆羅門子名曰賢壽諸相
具足見者歡喜從園苑出見彼如來端正殊
妙諸根寂靜得奢摩他如清淨池無諸垢穢
三十二相八十種好而自莊嚴如娑羅樹其

花開敷如須弥山出過一切面貌熙怡如月
盛滿威光赫奕如日顯曜形量周圓如尼俱
陀樹是時賢壽覩佛如來殊勝之相心生淨
信作是思惟希有世尊乃能成就如是無量
功德莊嚴我亦願於當來之世成就如是功
德之身發是願已投身於地復自念言若當
來世得佛身者唯願如來足蹈我上今時彼
佛知賢壽意即以其足蹈賢壽身當下足時
得無生法忍世尊迴顧告諸比丘汝等勿以
足蹈賢壽何以故此是菩薩摩訶薩今已證
得無生法忍復能成就天眼天耳他心宿住
神境智通今時賢壽即於佛前以偈讚曰

佛於十方界

最尊無有上

超過諸世間

我今稽首禮

如來大光明

掩蔽於日月

超過諸世間

我今稽首禮

譬如師子吼

諸獸咸怖畏

世尊大威德

摧伏諸外道

眉間白毫相

猶如頗梨光

普照于世間

超過於一切

出尊無與等

足蹈千輻輪

清淨化世間

能動於大地

成就出離道

超過煩惱海

以諸功德財

隨意皆施與

如來清淨戒

猶如於大地

出生諸功德

無有愛憎想

以智慧力故

了知諸法空

衆生及壽者

分別不可得

善了衆生性

心行及所趣

爲世作明燈

饒益於一切

世間苦逼迫

漂溺於暴流

常為諸衆生

起大精進力

世尊離煩惱

生老及病死

處世如虛空

一切無所染

智慧大威光

能破一切闇

永離貪嗔癡

我今稽首禮

佛告阿難賢壽菩薩所獲神通從是已來不

復退失於意去何今時賢壽豈異人乎今此

會中弥勒菩薩摩訶薩是阿難白佛言世尊

若弥勒菩薩久已證得無生法忍何故不得

阿耨多羅三藐三菩提耶佛告阿難菩薩有

二種莊嚴二種攝取所謂攝取衆生莊嚴衆

生攝取佛國莊嚴佛國弥勒菩薩於過去世

修菩薩行常樂攝取佛國莊嚴佛國我於往

昔修菩薩行常樂攝取衆生莊嚴衆生然彼
彌勒修菩薩行經四十劫我時乃發阿耨多
羅三藐三菩提心由我勇猛精進力故便超
九劫於賢劫中得阿耨多羅三藐三菩提阿
難我以十法得證菩提去何爲十一者能施
所愛之物二者能施所愛之妻三者能施所
愛之子四者能施所愛之頭五者能施所愛
之眼六者能施所愛王位七者能施所愛珍
寶八者能施所愛血肉九者能施所愛骨髓
十者能施所愛支分是名爲十我行此法能
得阿耨多羅三藐三菩提阿難復有十法能
證菩提去何爲十一者獲戒功德二者成就

忍力三者發起精進四者得諸禪定五者有大智慧六者於諸衆生常不捨離七者於諸衆生起平等心八者於諸空法而常修習九者善能成就真實空性十者善能成就無相無願是名爲十我行此法能得阿耨多羅三藐三菩提阿難彌勒菩薩往昔行菩薩道時不能捨施手足頭目但以善巧方便安樂之道積集無上正等菩提今時阿難白佛言世尊云何彌勒往昔行菩薩道時但以善巧方便安樂之道而能積集無上菩提佛告阿難彌勒往昔行菩薩道晝夜六時偏袒右肩右膝著地合掌頂禮於諸佛前說是偈言

我今歸命禮

十方一切佛

菩薩聲聞眾

大仙天眼者

亦禮菩提心

遠離諸惡道

能得生天上

乃至證涅槃

若我作少罪

隨心之所生

今對諸佛前

懺悔令除滅

我今身口意

所集諸功德

願作菩提因

當成無上道

十方國土中

供養如來者

及佛無上智

我今盡隨喜

有罪悉懺悔

是福皆隨喜

我今禮諸佛

願成無上智

十方大菩薩

證於十地者

我今誓首禮

願速證菩提

得證菩提已

摧伏於魔軍

轉清淨法輪

饒益眾生類

常願住世間

無量俱胝劫

擊于大法鼓

度脫苦眾生

我沒於欲泥

貪繩之所繫

種種多纏縛

願佛垂觀察

衆生雖垢重

諸佛不厭捨

願以大慈悲

度脫生死海

現在諸世尊

過去未來佛

所行菩薩道

我今願修學

具足波羅蜜

成就六神通

度脫諸衆生

證於無上道

了知諸法空

無相無自性

無住無表示

不生亦不滅

又如大仙尊

善了於無我

無補特伽羅

乃至無壽者

於諸布施事

不執我我所

為安樂衆生

施與無慳悋

願我所施物

不假功用生

觀察了知空

具施波羅蜜

持戒無缺減

得佛淨尸羅

以無所住故

具戒波羅蜜

忍辱如四大

不生分別心

以無瞋恚故

具忍波羅蜜

願以身心力

發起大精進

堅固無懈怠

具勤波羅蜜

以如幻如化

及勇猛精進

金剛等三昧

具禪波羅蜜

願證三明智

入於三脫門

了三世平等

具慧波羅蜜

諸佛妙色身

光明大威德

菩薩精進行

願我皆圓滿

彌勒名稱者

勤修如是行

具六波羅蜜

安住於十地

佛告阿難彌勒菩薩安住如是善巧方便積

集阿耨多羅三藐三菩提阿難我嘗求道受

苦無量乃能積集阿耨多羅三藐三菩提何

以故乃往古管時有太子名見一切義端正

殊妙諸相具足見者歡喜出遊園苑見一病人受諸重苦生悲愍心便問之言汝今此病豈無有藥能療治耶爾時病人即以偈頌白太子言我病藥難求 世間不可得 國王亦無有 何況病惱者 通達於諸論 善說醫方者 雖欲為療治 其藥難可得

爾時太子復以偈頌告病人言 乃至於象馬 所求皆當說 若飲太子血 施我無憂惱 我必得安樂 願生歡喜心 我為諸眾生 何況於身血 多劫猶能忍 隊墮無間獄

尔時太子即取利刀刺身出血今彼病人隨
意所用不生一念悔恨之心阿難當知尔時
太子見一切義者豈異人乎今我身是四大
海水猶可測量我於往昔行菩薩道捨已身
血不可稱計佛告阿難乃往古昔時有太子
名曰妙花端正殊勝諸相具足見者歡喜從

園苑出見一病人身體羸瘦生悲愍心便問
之言汝今此病豈無有藥能療治耶尔時病
人即以偈頌白太子言
世雖有良醫
無藥療我病 唯願生慈愍
為我除憂惱
尔時太子即以偈頌告病人言
我為利世間
一切咸施與 身分及珍寶
須者皆當說

尔時病人復以偈頌白太子言

譬言如大藥王 隨意療衆病

亦如日月光

普照諸世間 若能出身髓

遍塗於我身

是病乃消除 長夜得安樂

尔時太子復以偈頌告病人言

若有諸衆生

碎我身出髓 爲利於世間

心不生憂惱

尔時太子即自碎身取其骨髓與彼病人隨
意所用不生一念悔恨之心阿難當知尔時
妙花太子豈異人乎今我身是四大海水猶
可測量我於往昔行菩薩道捨身骨髓不可
稱計佛告阿難乃往昔時有國王名爲月
光端正殊妙諸相具足見者歡喜從園

見一盲人貧窮乞丐生悲愍心便問之請汝
何所須我當施汝或飲食衣服莊嚴資具金
銀摩尼及諸珍寶隨汝所欲皆當與之尔時
盲人即以偈頌而白王言

大王猶日月 光明照世間 具足勝功德
不久生天上 一切淨妙色 我今悉不見

願王起慈悲 施我所愛眼
尔時大王即以偈頌告盲人言

汝速來取眼 今汝得安樂 願我當來世
得佛清淨眼 我行菩薩道 一切皆當捨

若我不施汝 是則違本願
尔時月光王即取利刀自挑其眼與彼盲人

隨意所用不生一念悔恨之心阿難當知
爾時月光王者豈異人乎即我身是須彌山王
猶可度量我於往昔行菩薩道捨所愛眼不
可稱計阿難弥勒菩薩往修行菩薩道時作
是願言若有衆生薄婁怒癡成就十善我於
爾時乃成阿耨多羅三藐三菩提阿難於當
來世有諸衆生薄婁怒癡成就十善弥勒菩
薩當爾之時得阿耨多羅三藐三菩提何以
故由彼菩薩本願力故佛告阿難我於往昔
行菩薩道作如是言願我當於五濁惡世貪
瞋垢重諸惡衆生不孝父母不敬師長乃至
眷屬不相和睦我於爾時當成阿耨多羅三

頽三菩提阿難以是願故我今所入城邑聚
落多有衆生毀罵於我以斷常法招集衆會
若行乞食空以塵土和諸雜毒與我今食或
以女人誹謗於我一阿難我於今者以本願力
爲如是等諸惡衆生起大悲心而爲說法
尔時阿難白佛言世尊如來應正等覺能作

難作能忍難忍不調伏者悉令調伏荷擔如
是罪垢衆生而爲說法佛告阿難如是如是
如汝所說何以故如來大悲之所攝故尔時
阿難白佛言世尊我聞如來堅固誓願身毛
皆豎世尊當何名此經我等去何受持佛告
阿難是經名爲弥勒所問亦名往答本願因

緣以是名字汝當受持佛說是經已彌勒菩薩尊者阿難一切世間天人阿脩羅軋闍婆等聞佛所說皆大歡喜信受奉行

大寶積經卷第一百十一

字

逮音代匿反音雅反音坦反音諛反音諂反音

煩惚字下蘭若者下警覺景上鎧苦改怯反音

弱下音逼反音犀西音漂反音筏伐音鬚反音脰反音脰反音

怨敵徒上苑反音些些音二句蓋音伺反音猫牛反音

上其交反音苑反音赫弈下音蹈反音掩蔽反音

正作聲反音輻福音逼迫下音溺反音

上檢反反音輻福音逼迫下音溺反音

反挑


反土

彫

分

反蒲

悶



猪飼順良寄附

